



時隔近25年再在香港開騷的謝霆鋒，昨日推出新歌《逆行》為演唱會造勢。新歌貫徹霆鋒我行我素的形象，講述只要堅持初心，就算途中遇上幾多阻力，最終都會排除萬難得到成功。

騷，勢掀撲飛潮。  
謝霆鋒久未在香港開

開騷前出新歌造勢

# 霆鋒不求安穩 逆行保初心

謝霆鋒日前宣布今年4月在香港啟德主場館舉行《Evolution Nic Live 謝霆鋒進化演唱會》，成為首位於啟德主場館開騷的亞洲歌手。除了演唱會，相隔4年霆鋒昨日推出全新廣東歌《逆行》，更是由他親自作曲，曲風繼續他的個人搖滾引力，貫徹不求大同的經歷。自出道以來，霆鋒就是「逆行」的代言人，常人愛好的安穩，他偏要在不安下前行。

MV以童年、少年及成年三個人生階段為主軸，一開始男童在每張畫紙上似亂塗黑色，男童父親不明所以，一直責罵他；中學階段他雖然成績欠佳，但美術科取得95分，卻依然被同學欺凌，甚至受到老師處罰；成年後，他未有違背自己初心，一直從事時裝行業，卻又被老闆指責，但他堅持沒有放棄！

MV中的階磚，由兒時到中學階段砌得完整，但成年後卻變得粉碎，最後由男童及中學男生

重新砌好，就如給予成年人的一分力量，寓意始終有成功的一天。逆轉、逆境、逆行是警告也是出路，放下單一標準的追求，堅持自己與眾不同的感受，到最後可以成就不一樣的人生，建構獨一無二的自己。

忽發奇想 啟德主場館拍MV

此外，霆鋒亦有在MV中穿插，拍攝地點亦是啟德主場館，他說：「其實當日主要係想喺場地試音，之後就順便影埋演唱會海報。拍拍吓，大家忽發奇想，其實係咪可以喺度拍埋新歌MV呢？因為大家都覺得係一件好有代表性嘅事。有關方面亦都好，最後畀我哋喺度拍埋MV。」

謝霆鋒我行我素的形象深入民心。



《逆行》MV以童年、少年及成年的三個人生階段為主軸。

## 馬明自嘲冇肌肉 拒着泳褲派福利

馬國明（馬明）、高海寧（高Ling）、陳靜、郭珮文、陳家樂等前晚出席賀歲片《麻雀女王追男仔》群星首映禮，首次擔正香港電影男主角的馬明說：「叫咗我老婆（湯洛雯）同朋友嚟，心情都緊張㗎，因為喺香港未試過，好在有好多演員分擔，戲份好平均嘅。」高Ling表示對賀歲片的票房目標較高：「因為農曆新年係要睇賀歲片，希望大家入場睇啦。」

高Ling笑言若有3,000萬票房，會叫馬明派福利。問到可會着泳衣派福利？她說：「咁要8,000萬票房至得。（着三點式泳衣？）咁要再加㗎。」問馬明可會着泳褲配合？他要手擰頭說：「唔得呀，唔好睇嘛，好睇先叫派福利，我有肌肉騷，諗第二㗎啦。」高Ling提議他扮財神，馬明立即應承說：「扮咩都得㗎。（唱歌仔？）叫陳家樂唱啦。」



馬明與高海寧首次預飛電影，心情緊張又興奮。



姚焯菲戴口罩，避免傳染他人。

## 姚焯菲抱恙 自爆「息影」

「聲夢小花」姚焯菲、劉丹、呂慧儀、周嘉洛等昨日出席無綫處境劇《愛·回家之開心速遞》宣傳活動，抱恙的姚焯菲戴上口罩，當她介紹自己角色時，竟將「飾演」講成「息影」，呂慧儀即說：「你都幾病㗎！」並讚姚焯菲悟性高，很快融入劇組。而嘉洛否認拍攝時專登引姚焯菲發笑：「係豹哥（單立文）帶頭，我唔係賴佢，係將個榮耀同功勞畀番佢。（係咪覺得Chantel好得意？）佢得意係公認，佢好叻，如果我18歲可以好似佢咁，我依家唔止呢個位置。」

## 余香凝蛇年尋突破

古天樂旗下公司One Cool Jam Cast和Jam Cast一眾藝人余香凝、廖子好、蔡明思、吳嘉禧等提早舉行新春團拜。余香凝與廖子好在過去一年十分充實，余香凝奪影后獎項，她坦言成為最大工作動力：「嚟緊蛇年，希望自己可以多啲突破，兼顧家庭同工作外，仲搵到自己嘅時間做自己鍾意嘅事，好好對待自己。」廖子好坦言去年身心出現一些狀況，希望蛇年可以好好調整：「今年我希望可以考車牌、



廖子好（右）與余香凝都希望蛇年行大運。

學裁縫。馬來西亞十六七歲有車牌，不過我有考，我係唯一返學要同學車埋嘅人。」